

ind. B  
24.

Doolph Hertoge van Cleve  
ind Graeve van der March.

Eerlaeme lieve Vriende, Alsoe wy wael  
van U voortyots versocht sijn geweest,  
dat wy onse Werving doen woulden aen  
onsen lieven Neven Hertouge van den  
Berge, umb die Coopluyden wederom op  
den Stroem te moegen komen, sich to  
genereren, soo hebben wy vaste daerumb  
onse Prachtichap uytgehaet, ind hebben  
doch nu te acht uyren voormiddaege  
van onsen Neven vurschreven ter ant-  
worden gehaet, dat hy umb onsen Wille  
daerinne liever doen wil, dan om yemant  
anders wil; Ind heeft ons daerom daege  
geteickent binnen ses daegen by een  
tho kommen, vorder daeraff mit een  
spreecken ind vrage te vinden ind te  
sueken, woe men id beste daermede  
doen moege. Ind wes ons wedervaert,  
dat willen wy U voort weten laten, want  
wy van gueden herten georne seggen,  
dat die Aede ind Onderlaten 's Landts  
van Gelre wail vuoren; Doch lieve  
Vriende, als wy aen die Ridder-schap  
's Landts van Gelre ind aen U hebben

doen schrijven, umb sulcke schaedes  
 overgrepe ind gevangenen, die ons  
 geschiet ind affgevangen sijn wyft  
 den twee vierendeelen van Nymegen  
 ind Aurenunde als onse brieve te nu  
 tot Arnhem gesant dairuff vorder in  
 halden; Soe bidden wy te noch vrientlike  
 begerende, dat ghy dat beste daerinne ge  
 struwelicken doen willen; Alsoe dat ons  
 daerom geboirlike richtinge geschie.  
 Ind onse ondersaten, die alsoe gevangen  
 buyten oiren schaedes quyt mogen werden,  
 hierinne willen ghy voort dat beste doen,  
 als wy te genschelicken te betrouwen.  
 Gegeven tho Buederick op den Dingsdaghe  
 nae Sinte Johans daege Mittomer, Anno  
 Domini 1622. Sexto.

Opschrift was aldus: An die Eersaeme  
 Raetsvrunde der Stede Nymegen,  
 Aurenunde, Zutphen ind Arnhem,  
 nu op den Daghpart tot Arnhem weder  
 Onsen lieven Vrienden samentlicken ind  
 elck besunder.

Accord. met de Simpele Coppen  
 niee sub B. bygevoege, en  
 ook getekent en. Sijnde het  
 laette der Documenten. gues  
 attestor. was getekent  
 Engels. Opten Noorth